

Jesús - Mixtec, Tezoatlán

1.1

Di'a nì kuu, dá nì kasá'á kásto'on Juan ña kasaa Jesús

1 Di'a nì kasá'á to'on va'a sa'a Jesucristo, na kúu de'e Ndios.

1.14-15

Di'a nì kuu tá nì kasá'á dána'a Jesús sa'a to'on va'a Ndios

14 Tá nì tiin ra Juan nì sadi ra ve'e kaa, dá nì kee Jesús kua'an na chí kuendá Galilea kast'o'on na sa'a to'on va'a, ña ká'an sa'a ndi kee ñayuu, dá ndu'u na tixi ndá'a Ndios, 15 ta kaá na:

—Sa nì kasandaá vá hora, sa nì kuyati va ña ndu'u ñayuu tixi ndá'a Ndios. iNandikó iní ndo sa'a kuachi kée ndó, ta kandísa ndó xí'in ndino'o ini ndo to'on va'a Ndios! —kaá na.

1.21-27

Di'a nì kuu tá nì nduva'a Jesús iin taa nákaa iin espíritu kini

21 Dá nì nasaa Jesús ñoo Capernaum xí'in taa ñoo. Dá tá nì kasandaá kuu náni'i ndée na Israel, dá nì ku'u Jesús ini ve'e noo náataka na ñoo ñoo. Dá nì kasá'á ná dána'a na. 22 Kúu nì naá vá iní ñayuu ñoo sa'a ña dána'a Jesús, chi kó kée na tát'o'on kée taa dána'a ley Moisés, dá chi dána'a na tát'o'on k'i'o kée iin na né'e choon.

23 Ta ini ve'e ñoo nákaa iin taa nákaa iin espíritu kini. Ta kúu nì'i nda'o nì kayu'ú espíritu kini ñoo, ta kaáan:

24 —¿Ndi kján ndó'o ní xí'in ndu'u, Jesús, na ñoo Nazaret? ¿Á vei ní dánaá ní ndu'u? Sa ná'á vá yu'u ndá yoo kúu mií ní, chi mií ní kúu na ij nì kii noo Ndios.

25 Dá nì danáni ñaa Jesús, ta kaá na xí'an:

—iKadi yú'on! iKua'an keta k'i ini taa xaan!

26 Ta kúu vití'on nì sa'ání yí'í espíritu kini taa ñoo. Ta kúu nì'i nda'o nì kayu'an, dá nì ketaan kua'an.

27 Ta kúu nì naá vá iní ndidaá kúu ñayuu ñoo, dá nì kasá'á ná ndátó'on tá'an ná:

—¿Ndi kua'an vian yó'o? Na ndeé ka vian ká'ano tandeé iní saá dána'a taa kaa, chi xí'in choon kómí rá sa'ándá ra choon noo espíritu kini, ta kúu seídó'o ñaan —kaá na.

1.32-34

Kua'á nda'o ñayuu nì nduva'a Jesús

32 Sa nì keta va ndindii, ta sa kua'an kuaá vá kuu dáá ñoo, dá ndáka ñayuu ndidaá na kú'u xí'in na ñoo espíritu kini nì kasaa na noo Jesús. 33 Sa'á ñoo nì chití yé'é ve'e ñoo nì náataka ndidaá na ñoo ñoo.

34 Ta kúu kua'á nda'o ñayuu ndó'o iin rá iin kue'e nì nduva'a na, ta kua'á nda'o espíritu kini nì taó ná.

Ta kó sónó vá ná ña ka'an espíritu kini ñoo, chi ná'á vá ña ndá yoo kúu ná.

2.1-12

Di'a nì kuu, dá nì nduva'a Jesús iin taa nì natí sa'a

1 Tá nì ya'a dao kuu, dá nì nandió koo tuku Jesús ñoo Capernaum. Tá nì kandaá ini ñayuu ña nì ndisaa

Jesús ve'e na, 2 kúú kuá'a nda'o na ni nataka ñoo. Ta ko ní keta ka ve'e ñoo kaño'o na. Ta kúú nda satá ve'e ndíta ñayuu seídó'o na to'on dána'a Jesús.

3 Dá ni kasáa dao ka ñayuu xí'in iin taa ni natii sa'a, ta yí'i ñaa komi taa ni kasáa ra. 4 Tído ko ní kúú ta'on kú'u ra xí'in ta kú'u ñoo ini ve'e noo nákaa Jesús, chi kuá'a nda'o ñayuu ñó'o. Sa'a ñoo ni dakáa ñaa rá dinj vé'e. Dá ni sonó rá iin yáí. Dá ni kuu ni danoo ra xito kánoo ta kú'u ñoo ini ve'e noo ío Jesús.

5 Tá ni xini Jesús ña kándée ini ñaa rá, dá ni kaa na xí'in ta ko kuú kaka ñoo:

—De'e ló'o, sa ni ndoo va kuachón —kaá na.

6 Ta kúú ñoo ndéi dao taa dána'a ley Moisés seídó'o ra. Dá ni kasá'a nákani kuáchi ini ra: 7 “Ta, ñdiva'a ká'an taa kaa dión? Taa kaa kúú ra yá'a ká'an ndava'a xí'in Ndios. Chi ni iin tó'on ta'on taa o kúú dándoo kuáchi ñayuu. Iin tó'on dinj mií vá Ndios kúú na kuu kee dión.”

8 Tído vití'on dí'a va ni kandaa ini Jesús ña kí'o dión nákani ini ra. Dá ni ndatón ñaa ná:

—Ñdiva'a nákani ini ndo dión? 9 Ñdí kjan ko ú'u cháa ka ka'in xí'in taa ko kuú kaka yó'o, ká'an ndó? “Sa ni ndoo va kuachón”, o ka'in xí'in rá, “Ndakuijn ndichi, ta naki'in xiton kane'e kua'an nó'on.” 10 Tído viti dá ná ko'in dána'i noo ndo ña kómí ndisa na ni nduu taa ñayuu yó'o choon ña dándoo na kuáchi kómí ñayuu ndéi ñayúú yó'o.

Dá ni kaa na xí'in ta ni natii sa'a ñoo:

11 —Ta ká'in xí'in yó'o viti. Ndakuijn ndichi, ta naki'in xiton, ta kua'an nó'on ve'on.

12 Ta kúú ni ñakuíjn ndichi ra. Dá ni ñaki'in ra xito noo ni sa nóo ra né'e ra ni ki'in ra kua'an ra noo ñayuu kuá'a ñoo. Ta kúú ndidaá vá ná ni naá iní. Ta kúú ni kasá'a ná kéká'ano na Ndios, ta kaá na dí'a: —Ni iin kuú ko xinqo iin ña'a ndato tát'on ni xini ko kuú viti —kaá na.

4.35-41

Di'a ni kuu tá ni sa'anda Jesús choon noo tachi xí'in taño'o

35 Tá ni kuaa kuú dáá ñoo, dá ni kaa Jesús xí'in ta xionoo xí'in ná:

—Ná ko'o chika'anda yo iin ka xoo yu'ú taño'o.

36 Tá ni ndi'i ni ka'an taa xionoo xí'in ná ndisá'an xí'in ñayuu kuá'a ñoo, dá ni kaa ra ini barco noo nákaa na. Ta ni sarkuei dao ka barco noo ñó'o cháa ka ñayuu kua'an na noo kua'an Jesús. 37 Ta kúú noo kua'an na ñoo ni kasá'a vá kána tachi déen. Sa'a ñoo ni kasá'a kokee takuij ini barco ñoo. Ta kúú sa kua'an kutí vá ini ra xí'in takuij. 38 Ta kúú kándu'u Jesús kídí na ini ra noo nóno chí satá dí'a ra. Ta yí'i iin dá'on dinj ná kándu'u ná.

Dá ni dandoto ñaa ta xionoo xí'in ná ñoo, dá kaá ra:

—iMaestro! ¿Á ko sa'áni ta'on ni mií ní ña kuu?

39 Dá ni ñakuíjn ndichi Jesús. Dá ni sa'anda na choon noo tachi xí'in taño'o, ta kaá na:

—iKatu! Tádi kooón.

Ta kúú ni sa tuu va tachi, ta ni ñakáa tádi vá taño'o.

40 Dá ni kaa na xí'in taa ñoo:

—Ta, ñdiva'a yu'ú téi ndo? ¿Á ko kándée ta'on iní ndo yu'u, ndani?

41 Kúú ni yu'ú nda'o ra. Dá ni kasá'a rá ndátón tá'an rá:

—Ñdá yoo ví kúú na yó'o, chi nda tachi xí'in taño'o seídó'o choon sa'anda na? —kaá ra.

5.22-24

22 Dá ni kasáa iin taa naní Jairo, tá'an ra dándáki ve'e noo nákata na Israel ndéi ñoo ñoo. Tá ni xini ra Jesús, kúú ni sa kuíjn xiti rá noo ná. 23 Dá ni kasá'a rá seí nda'í ra noo ná, ta kaá ra:

—Sa xí'i va de'e dí'í. Nakíj ní ná ko'o chinoo ní ndá'a ní satá xí, dá ná nduva'a xi, dá ná o kuú xi.

24 Dá nì kee Jesús kua'an nà xí'ín rá. Ta kuá'á ndá'o ñayuu nì kee kua'an xí'ín ná, ta dándútí ná Jesús kua'an nà.

5.35-42

35 Ta kúú ká'an jíó Jesús ín na, kúú sà nì kasáa va dao taa nì kii ve'e Jairo, tá'an rā dándáki ve'e noo náta ka nà ñoo ñoo. Dá nì kaa rā xí'ín Jairo ñoo:

—Sà nì xí'í va de'e dí'í ní. Ná dá'a kà ní dáta'an ní maestro xaan.

36 Tá nì seídó'o Jesús ña nì ka'an rā dión, dá nì kaa nà xí'ín Jairo:

—O sà yú'oon. Savá'a yu'u kandeé inoon —kaá nà.

37 Ta kúú kò ní sónó ta'on Jesús noo dao kà ñayuu ña ko'on nà xí'ín ná ve'e taa ñoo, savá'a Pedro xí'ín Jacobo xí'ín ñani rā naní Juan va ndáka na kua'an nà. 38 Dá tá nì saā nà nì ku'u na ve'e Jairo, kúú nì xini nà ña nína vaā ndá'o ñayuu ndé'í nà ndéi na, ta nda'í káyu'ú ná sa'a tadi'í ñoo. 39 Dá nì kaa Jesús xí'ín ná:

—¿Ndiva'a nína vaā téi ndo? Ta, ¿ndiva'a ndé'í téi ndo ndéi ndó? Chì kò ní xí'í ta'on xi, kídì va xi —kaá nà.

40 Tído nì sakì ndaa va ñaa ñayuu ñoo. Dá nì sa'anda Jesús choon ña ná kankuei ndidaá ná satā vé'e. Dá nì kana na tatá tadi'í ñoo xí'ín naná xì xí'ín ndin onì kà taa ndáka na kua'an nà ñoo. Dá nì ku'u na noo kádu'u xí. 41 Dá nì tiin Jesús ndá'ā xí. Dá nì kaa nà:

—Talita, cumi —kaá nà. To'on yó'o kónì kaa: Dí'í ló'o, ká'ín xí'ón, ndakoo.

42 Ta kúú vit'ón dí'a vá nì ndakoo xi. Ta kúú nì kasá'á xíka xi xíonoo xi. Ta uxì uu kuia ió xi. Tá nì xini ñayuu ñoo, kúú nì naá ndá'o iní nà.

7.18-23

18 Dá nì kaa nà xí'ín rá:

—¿Á dión ta'ani kò kátónì ta'on ini ndo'ó? ¿Á kò kándaā ta'on ini ndo ña ni iin ña'a seí ñayuu kò dáyakò ñaa noo Ndios? 19 Dá chì o duú níó ná kokee ña'a seí nà. Ini tixi va na kua'an. Ta kúú tá nì ndí'í, dá kua'an nà satā vé'e tatá náan.

Dión nì kaa Jesús, dá ná kandaā ini rā ña ni iin ña'a seí yo kò dáyakò ñaa noo Ndios.

20 Ta nì kaa ta'ani Jesús xí'ín rá:

—Ña kini kánkuei ini níó ñayuu, ñoo vá kíān dáyakò ñaa noo Ndios. 21 Dá chì ndā mǎá ini níó vá ná vei ña kini nákanì ini nà kee na, dá kee na kuachi xí'ín nà kò kúú ñadi'í nà o yí'í ná, ta kée na ña ka'an noo xí'ín ñí'í ná, ta sa'ánì ná ñayuu, 22 ta kí'ín ku'íná ná ña'a, ta kátóo nà ña'a ió noo dao kà nà, ta ió ña xíxi ini nà, ta ndúkú ná ña dándá'í nà dao kà ñayuu, ta ni lú'u ví kò chítuu ini nà kée na ña kini, ta u'u ini nà, ta ndéine'e tá'an na, ta chíndaya'i na míí ná, ta kúú ná nà kò xíka'an noo. 23 Ta ndidaá ña yó'o kíān kánkuei ndā mǎá níó ná, ta dáyakò ñaa noo Ndios.

9.2-8

Di'a nì kuu tá nì naye'e ndaa noo Jesús xí'ín dá'on ná

2 Tá nì ya'a iño kuu, dá nì kee Jesús ndáka na Pedro, xí'ín Jacobo, xí'ín Juan kua'an nà dinì iin yúku dikó iin ñoo. Ta ñoo nì naḍaon na tát'on káa na noo taa ñoo. 3 Kúú nì naye'e ndaa dá'on ná. Ta kúú nì ndukuxí kachján tát'on kí'o ndé'é yí'o. Ta ni iin ñayuu nákata dá'on ndéi ñayuu yó'o kò kandeé ta'on dándúkuxián tát'on kí'o ndato kuxí nì nduu dá'on Jesús. 4 Dá nì na'a noo profeta Elías xí'ín Moisés, ta ndíta na ndátó'ón ná xí'ín Jesús. 5 Dá nì kaa Pedro xí'ín Jesús:

—Vá'a kúú ndéi ndu'u yó'o, maestro. Ná kava'a ndu onì tija'ó. Iian ná koo míí ní, ta iian ná koo

Moisés, ta iin kaan ná koo Elías.

6 Díon ni kaa ra, chi ko ná'a ta'on ra ndi kían ká'an ra sa'a ña ni yu'ú ra. 7 Kúu ni naxino iin viko. Ta kúu ni chikátján noo ndíta na. Ta tein viko ñoo ni ka'an tachj Ndios:

—Ta yó'o kúu de'e mani yu'u. Kueídó'o ndó to'on ká'an xi —kaá na.

8 Tá ni nande'é tuku ra, kúu sa koó ka va taa ñoo ndíta. Ndadá iin tó'on míi vá Jesús iin.

12.28-31

Yó'o dána'a Jesús ndi káa choon ndáya'i cháa ka ni sa'anda Ndios keeá

28 Dá ni natuu yati iin taa dána'a ley Moisés, ta ni seido'o ra ña ni ka'an Jesús xí'in ta saduceo ñoo. Kúu ni katóni ini ra ña va'a nda'o ni nandío né'e na ña ni ndato'on ñaá rá sa'a na ni xi'i. Sa'a ñoo ni ndato'on ñaá rá:

—¿Ndi káa iin choon ndáya'i cháa ka noo ndidaá ka choon ni sa'anda Ndios keeá?

29 Dá ni kaa Jesús xí'in rá:

—Choon ndáya'i cháa ka noo ndidaá ka choon ni sa'anda Ndios keeá kían kaáan di'a: “Kueídó'o ndo'o, na ñoo Israel. Ndios, na kúu sato'o yo, iin tó'on dinj míi vá ná kúu Ndios. 30 Konj ndo sato'o yo Ndios xí'in ndino'o níyo ndo, xí'in ndino'o ini míi ndó, xí'in ndidaá ñaxintónj ndo, ta xí'in ndidaá kúu ndée ndo.” Ña yó'o kúu choon ndáya'i cháa ka ni sa'anda Ndios keeá. 31 Ta ña kúu uu kían sá kí'in tá'an xí'in ña yó'o, chi di'a kaáan: “Ku'u ini ndo sa'a ñayuu xí'in ndó tát'on kí'o ndó'o ndó xí'in míi ndó.” Ta koó ka choon ndáya'i cháa ka noo ndin nduú choon yó'o —kaá na.

14.10-11

Di'a ni kuu, dá ni kandoo Judas ña nakí'o ra Jesús noo ndá'a ta duti kúu noo

10 Dá ni kee Judas Iscariote, tá'an ra nákaa tein ndin uxj uu taa xionoo xí'in Jesús, kua'an ra dikó rá Jesús noo ta duti sakua'a. 11 Tá ni seido'o ta duti ñoo ña ni ka'an Judas xí'in rá, kúu ni kadij nda'o ini ra. Dá ni kandoo ra ña kí'o ra di'on noo rá. Dá ni kasá'a ndúkú Judas ndi koo kee ra, dá nakí'o ra Jesús noo ndá'a roón.

14.44-46

44 Sa ni kast'on va Judas xí'in taa ñoo ndi kee ra dána'a ra ndá yoo kúu Jesús, chi di'a ni kaa ra:

—Taa ni chitói noo ñoo, roón kúu tiin ndó kandaka ndó ko'on ndo, ta kandaa va'a ndó ra —kaá ra.

45 Dá tá ni natuu yati Judas noo iin Jesús, dá ni kaa ra xí'in ná:

—Nákaa ní, maestro.

Dá ni chitó rá noo ná. 46 Dá ni natuu taa kua'a ñoo ni tiin ra Jesús.

15.6-15

Di'a ni kuu, dá ni sa'anda Pilato choon ña ná karkaa Jesús ndjka cruz

6 Tein iin iin víko pascua dáyaaj Pilato iin taa nákaa ve'e kaa, tá'an ra kándoo na ñoo Israel sa'a. 7 Daá ñoo nákaa iin taa naní Barrabás ve'e kaa, ta ñó'o ta'ani dao ka taa kí'in tá'an xí'in rá sa'ání rá ndij. Roón kúu taa ni ndakuei ni naá xí'in ta né'e choon romano. 8 Dá ni kasáa kuá'a nda'o ñayuu noo Pilato. Dá ni kasá'a xíka na noo rá ña ná dáyaaj ra iin taa nákaa ve'e kaa, tát'on kí'o kée ra tein iin rá iin víko pascua. 9 Dá ni kaa ra xí'in ñayuu ñoo:

—¿Á kónj ndo ña dáyaaj na kúu rey noo na Israel yó'o?

10 Díon ni kaa ra chi ni kandaaj va ini ra ña sa'a ña u'u ini vá ta duti sakua'a ñoo, sa'a ñoo ni nakí'o ñaá

rá noo ndá'á rá. 11 Tído ni daká'an kué'é tã duti sakua'a ñoo ñayuu kuá'a ñoo, dá ni xikã nã ñã va'a cháá kã Barrabás ná dáyaã rá. 12 Dá ni ndato'ón ñaá Pilato, ta kaá rá:

—¿Ndí kían kóni ndo kee yu'u xí'ín tãa chínani ndó kúu rey noo nã Israel yó'o, tá dáá?

13 Dá ni kayu'ú ñayuu kuá'a ñoo:

—iChirkaa ní rã ndjika cruz!

14 Dá ni kaa Pilato:

—¿Ndí kían kini ni ya'a tãa yó'o ni kee ra?

Tído kúu ni'í cháá kã ví ni kasá'a káyuu'ú ñayuu kuá'a ñoo:

—iChirkaa ní rã ndjika cruz!

15 Ta sa'á ñã kóni Pilato kandoo va'a ra noo ñayuu kuá'a ñoo, sa'á ñoo ni dayáã rã Barrabás. Dá tá ni ndi'i ni kani soldado Jesús xí'ín chirrión, dá ni nakí'o ñaá Pilato noo ndá'á rá, dá ná ko'on rã chirkaa ñaá rá ndjika cruz.

15.33-39

Di'a ni kuu tá ni xi'i Jesús

33 Tá ni kasandaá kaxuu, dá ni naku'ín naá iin ní kúu ñayuú ndã kã onj sa'ini. 34 Dá tá ni kasandaá kã onj ñoo, kúu ni'í ndã'o ni kayu'ú Jesús, ta kaá rá:

—Eloi, Eloi, ¿lama sabactani? —To'on yó'o kían kóni kaa: Ndios mií, Ndios mií, ¿ndiva'a ni dayáã ndá'á ní yu'u?

35 Tá ni seido'o dao kã tãa ndíta ñoo ñã ni ka'an nã dión, dá ni kaa rá:

—Kueídó'o ndó, chi kána ra profeta Elías.

36 Kúu ni kankono iin tãa ni sa'an rã ni dandáxi ra iin tá'í dá'on xí'ín vino iá. Dá ni so'oni raan dinj iin tãñí. Dá ni chirnee raan yú'u Jesús, dá ná ko'o na rã. Dá ni kaa rá:

—Ná dá'a ni kee ndo dión. Ná kandati yó, dá ná kande'á á kasaã Elías dánoo ñaá ná —kaá rá.

37 Ta kúu ni'í ndã'o ni kayu'ú Jesús, dá ni xi'i nã. 38 Ta kúu mií dáá vá ni ndata dao dá'on tákaa ndadí ini ve'e ño'o ká'ano. Ni keean ndã yú'an nino, ta kúu ndã yú'an nino ni xino noo ni ndata ñã.

39 Ta mií tãa dándáki soldado iin noo tákaa Jesús ñoo. Kúu ni xini rã táto'on ni kayu'ú ná tá ni xi'i nã, dá ni kaa rá:

—iMiíã ndaa ndisa de'e Ndios ni sa kuu tãa yó'o!

15.42-46

Di'a ni kuu, dá ni nduxi Jesús

42 Sa ni ini va kuu dáá, ñã kían mií kuu kénduu nã Israel ñã'a keí ná taan, chi sa kua'an kasandaá va kuu nani'i ndée ná. 43 Ió iin tãa naní José, ta kúu rá tã ñoo Arimatea. Ta kúu rá iin tãa ndáya'i tein tã ne'e choon noo nã Israel. Ta ndáti ta'ani ra ñã kasaã Ndios dándáki na ñayuú yó'o. Roón kúu rã ni xi'o ndeé ini ni ku'u ra noo nákaa Pilato. Dá ni xikã rã noo Pilato ñã ná nakí'o ra yikí koño Jesús noo rá. 44 Kúu ni naá vá ini Pilato tá ni kandaã ini rã ñã sa ni xi'i va Jesús. Dá ni kana ra tã dándáki soldado ñoo. Dá ni ndato'ón ñaá rá, á ndaa ñã sa ni xi'i va na. 45 Dá ni kaa tã dándáki soldado ñoo ñã sa ni xi'i va na. Dá ni sa'anda Pilato choon ñã ná nakí'o ra yikí koño Jesús noo José. 46 Dá ni sa'an José ñoo ni xiin na iin sábana saá. Dá ni danóo ra yikí koño Jesús ndjika cruz. Dá ni nachituú ñaá rá xí'ín sábana ñoo. Dá ni sa'an rã ni chikáã ñaá rá ini iin yáí ká'ano ni kavã'a ndjika iin káo. Dá ni dakujó tuú rã iin yuu chiká'ano ni sadi rã yé'an.

16.1-7

Di'a ni kuu tá ni natakí Jesús

1 Tá ni ya'a kuu náni'i ndée na Israel, dá ni sa'an María Magdalena, xí'ín Salomé, xí'ín María naná Jacobo ni xiin na ndutá támi sá'an kane'e na ko'on na chí'i na yikí koño Jesús, ká'án ná. 2 Ta na'a va'a kuu mií nõ kásá'á sa'a semana, dá ni kee na kua'an na yáí nõ nõkka yikí koño Jesús. Ta kúú duú ni xinkoo va ndindii. 3 Ta kúú ndátó'ón ná kua'an na íchí nõó, ta kaá na:

—¿Ndá yoo ví ni'i yo dí'tá yuu ndadí yú'u yáí nõó?

4 Tído tá ni saá yati na, kúú ni xini va na ña sa ni kuxoo va yuu ká'ano ni sa ndadi yú'u yáí nõó. 5 Dá tá ni ku'u na inian, kúú ni xini na ío iin tayíí chí xoo kuá'a dí'a. Ta ndíxi xi iin dá'on kuxí chikáni. Ta kúú ni yu'ú nda'o na ñá'a nõó. 6 Dá ni kaa xi xí'ín ná:

—Ná dá'a ni yu'ú ndo, chí sa ná'á váí ña nándukú ndó Jesús, na nõo Nazaret, na ni sarkaa ndika cruz.

Tído ni natakí va na. Kande'é ndó nõ ni chínóo ñaá rá. Koó ka na nákaa yó'o. 7 Kua'án kúí nõ kaston ndó xí'ín Pedro, xí'ín dao ka taa xionoo xí'ín ná ña kúí nõ Jesús ko'on na nõ rá chí Galilea dí'a. Ta nda nõó ví, dá koni ñaá rá tát'on kí'o ni sa ka'an na xí'ín rá —kaá ángel nõó.

16.15-16

15 Dá ni kaa na xí'ín rá:

—Kua'án nõo kanoo ndó iin ní kúú ñayuu dána'a nõ sa'á to'on va'a ña ká'án sa'í nõ ndidaá kúú ñayuu. 16 Ta ndi ndáa na ni kandísa ñaá, ta ni sodo ndútá ná, nõn kúú na dákaiki Ndios. Tído na ko ní xíin kandísa to'on va'a yó'o, nõn kúú na kandoo kakomí kuachi nõ Ndios.

16.19-20

Di'a ni kuu tá ni nana Jesús kua'an nó'o ná induú

19 Tá ni ndi'i ni ka'an sato'o yo Jesús to'on yó'o, dá ni kee na konana na kua'an nó'o ná induú. Kúú ni nakoo na xoo kuá'a Ndios.

20 Dá ni kee taa xionoo xí'ín ná nõó kua'an ra dána'a ra to'on va'a sa'á Jesús ndidaá kúú nõo. Ta kúú sa chindeé vá ñaá míí sato'o yo Jesús, ta ni na'a na ña ndaa kían ni ka'an ra, chí ni xí'o na ña kandeé rá kee ra ña'a ndato. Díón ná koo.